

**Protokol o postupanju u slučajevima
nasilja u porodici
Općina Tešanj**

Općina Tešanj, juni 2022. godine

SADRŽAJ

UVOD.....	3
OPĆINA TEŠANJ.....	5
POLICIJSKA STANICA TEŠANJ.....	5
OPĆINSKI SUD TEŠANJ.....	6
CENTAR ZA SOCIJALNI RAD TEŠANJ.....	7
DOM ZDRAVLJA TEŠANJ.....	8
OBRAZOVNE USTANOVE.....	9
SIGURNA KUĆA.....	10
SOS TELEFON 1265.....	11
PROGRAMI EKONOMSKOG OSNAŽIVANJA ŽRTAVA NASILJA.....	11
MEDIJI.....	12
MULTIDISCIPLINARNI TIM OPĆINE TEŠANJ.....	12
POTPISNICI PROTOKOLA O POSTUPANJU.....	14
ČLANOVI OPĆINSKOG MULTIDISCIPLINARNOG TIMA.....	15
HODOGRAM.....	16
OBRASCI.....	17

UVOD

Nasilje u porodici prisutno je kako širom svijeta tako i na području Bosne i Hercegovine i predstavlja izrazito ozbiljan problem bosanskohercegovačkog društva. Nasilje je prisutno kako u nerazvijenim tako i u razvijenim zemljama svijeta, neovisno od društvenog statusa ili stepena obrazovanja, a društva se razlikuju jedino u stepenu organiziranog sistema podrške i rješavanja ovog vrlo ozbiljnog društvenog problema. Efikasnost rješavanja problema nasilja ogleda se kroz adekvatan sistem podrške od momenta prijave slučaja nasilja kroz odgovarajuće postupanje nadležnih institucija, zaštite žrtava nasilja i sankcioniranja počinitelja nasilja.

U posljednjih dvadesetak godina u Bosni i Hercegovini su urađeni značajni koraci ka unapređenju rješavanja problema nasilja, međutim još uvijek sistem podrške na području cijele zemlje nije jednak zbog čega je potrebno kontinuirano ulagati dodatne napore kako bi pristup uslugama podrške u svim lokalnim zajednicama bio ujednačen za sve žrtve nasilja.

Za rješavanje problema nasilja u porodici kao složenog društvenog problema neophodan je multidisciplinarni i multisektorski pristup kako definiranih subjekata zaštite: policija, centar za socijalni rad, zdravstvene ustanove, pravosuđe, tako i drugih ustanova i nevladinih organizacija, ali i medija.

Zakon o zaštiti od nasilja u porodici (Službene novine Federacije BiH, br. 20/13 i 75/21) u članu 37. i obavezuje kantonalne vlade za donošenje programa mjera za prevenciju, zaštitu i borbu protiv nasilja u porodici, te formiranje koordinacionih tijela kojim trebaju biti obuhvaćene i obaveze na lokalnom/općinskom nivou.

U skladu sa članom 39. Zakona o zaštiti od nasilja u porodici („Službene novine Federacije BiH“, br. 20/13 i 75/21) nadležne ustanove dužne su za područje jedne ili više općina potpisati Protokol o saradnji kojim su utvrđena međusobna prava i obaveze u postupku prijavljivanja nasilja u porodici, pružanja zaštite žrtvama nasilja u porodici, kao i u radu sa nasilnim osobama.

S ciljem realizacije zakonskih obaveza i realizacije protokola, općinski načelnik i nadležne ustanove i nevladine organizacije potpisuju protokol o postupanju u slučajevima nasilja u porodici.

S tim u vezi općina Tešanj je pokrenula inicijativu izrade i usvajanja Protokola o postupanju u slučajevima nasilja u porodici koji obuhvata zakonom predviđene obaveze, način postupanja i prakse djelovanja nadležnih institucija, ustanova i drugih subjekata zaštite u slučajevima nasilja u porodici. Protokolom se postiže standardizacija postupanja u slučajevima nasilja u porodici, kao i okviri međusobne saradnje, preventivnog djelovanja i planiranja rada u ovoj oblasti.

U skladu sa članom 7. Zakona o zaštiti od nasilja u porodici smatra se da postoji nasilje u porodici ukoliko postoje osnove sumnje da su učinjene radnje kojim član porodice nanosi fizičku, psihičku ili seksualnu bol ili patnju i/ili ekonomsku štetu, kao i prijetnje koje izazivaju strah od fizičkog, psihičkog ili seksualnog nasilja i/ili ekonomske štete kod drugog člana porodice.

Djelovanje nadležnih tijela u okviru protokola obuhvata primjenu sljedećih propisa:

- Zakon o ravnopravnosti spolova u BiH – prečišćeni tekst („Službeni glasnik BiH“, broj 32/10),
- Zakon o zaštiti od nasilja u porodici („Službene novine Federacije BiH“, br. 20/13 i 75/21),
- Krivični zakon Federacije Bosne i Hercegovine („Službene novine Federacije BiH“, br. 36/03, 37/03, 21/04, 69/04, 18/05, 42/10, 42/11, 59/14, 76/14 i 46/16 i 75/17),
- Zakon o krivičnom postupku FBiH („Službene novine Federacije BiH“, br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13 i 59/14),

- Porodični zakon Federacije Bosne i Hercegovine („Službene novine Federacije BiH“, br. 36/05, 41/05 i 31/14),
- Pravilnik o sadržaju i načinu vođenja evidencije o izrečenim zaštitnim mjerama, osobama koje su štice zaštitnom mjerom i o nasilnim osobama kojima su izrečene zaštitne mjere u Federaciji BiH („Službene novine Federacije BiH“, broj: 95/13),
- Pravilnik o načinu provođenja zaštitnih mjera za počinioce nasilja u porodici koje su u nadležnosti policije („Službene novine Federacije BiH“, br. 19/14 i 98/15),
- Pravilnik o načinu i mjestu provođenja zaštitne mjere obaveznog liječenja od ovisnosti o alkoholu, opojnim drogama ili drugim psihotropnim supstancama počinitelja nasilja u porodici („Službene novine Federacije BiH“, broj: 99/15),
- Pravilnik o načinu i mjestu provođenja zaštitne mjere obaveznog psihosocijalnog tretmana počinitelja nasilja u porodici („Službene novine Federacije BiH“, broj: 63/17),

Pored navedenih propisa obaveza nadležnih tijela je i praćenje razvoja pravnih akata i primjena međunarodnih standarda i obaveza koje je preuzela Bosna i Hercegovina, prije svega Konvencije Vijeća Europe o sprečavanju i borbi protiv nasilja nad ženama i nasilja u porodici - Istanbulska konvencija (Službeni glasnik BiH broj 19/13).

Prepoznavanje nasilja u porodici i hitno postupanje je obaveza svih nadležnih tijela, kako bi se žrtva nasilja adekvatno zaštitila, a počinitelj nasilja kaznio za krivično djelo nasilje u porodici.

Prilikom postupanja nadležnih tijela u slučajevima nasilja, neophodno je pridržavanje osnovnih načela:

- Nasilje u porodici je krivično djelo
- Nasilje u porodici je problem društva i javni problem
- Obaveza informiranja žrtve nasilja o njenim pravima, mogućnostima prijave i njene zaštite
- Obaveza prilikom postupanja nadležnih tijela je rodnoosjetljiv pristup i tretman
- Obaveza prilikom postupanja nadležnih tijela je postupanje u najboljem interesu žrtve nasilja, vodeći računa o njenom zdravstvenom, emotivnom i psihofizičkom stanju
- Obavezu prijavljivanja sumnje da je počinjeno krivično djelo nasilje u porodici ima svaki građanin

Nasilje u porodici je naučeni obrazac ponašanja. Potrebno je što ranije prepoznati i prijaviti nasilje u porodici, kako bi se prekinuo ovaj obrazac ponašanja, žrtvi nasilja pružila adekvatna pomoć i zaštita, a osoba koja je počinila nasilje kaznila. Dugoročno, uz adekvatnu stručnu pomoć i tretman žrtve nasilja i počinitelja nasilja individualno ali i kroz partnerski rad i rad sa cjelokupnom porodicom mogu se steći novi obrasci ponašanja koji će osigurati zdravo porodično okruženje.

Važno je znati da nasilno ponašanje nije bolest nego naučeno i odabrano ponašanje za koje nema opravdanja, ali koje se može mijenjati uz adekvatan tretman i podršku.

OPĆINA TEŠANJ

- Donosi/Usvaja općinski Protokol o postupanju u slučajevima nasilja u porodici
- Planira aktivnosti u skladu sa kantonalnim programom mjera
- Podržava rad nadležnih institucija
- Formira/Imenuje općinski multidisciplinarni tim koji koordinira aktivnosti u oblasti nasilja u porodici na nivou općine Tešanj

POLICIJSKA STANICA TEŠANJ

U skladu sa zakonskim ovlaštenjima policija je obavezna poduzeti sve neophodne mjere i radnje u cilju zaštite žrtve nasilja u porodici i poduzeti uviđajne i druge mjere i radnje u cilju zaštite žrtava nasilja, dokumentiranja slučaja, prosljeđivanja informacija nadležnom tužilaštvu i koordinacije sa drugim subjektima zaštite, ustanovama i nevladinim organizacijama.

S tim u vezi poduzimaju sljedeće mjere i radnje:

- Nakon što je policiji nasilje prijavljeno lično ili pozivom na broj 122 policijski službenici izlaze na lice mjesta odmah po saznanju, najmanje dva policijska službenika (po mogućnosti u muško-ženskom paru)
- Prilikom izlaska na teren spriječiti počinitelja nasilja u provođenju nasilja i zaštititi žrtvu, te joj po potrebi omogućiti ljekarski pregled, ovisno od stepena povrede pozvati službu hitne medicinske pomoći
- Razgovor i uzimanje izjava od žrtve nasilja i počinitelja nasilja potrebno je provesti u odvojenim prostorijama
- Na licu mjesta policijski službenici vrše sve neophodne radnje dokazivanja potrebne za dokumentovanje krivičnog djela nasilja u porodici (uviđaj, uzimanje izjava, fotografisanje povreda, fotografisanje mjesta događaja i dr.)
- Upoznati počinitelja nasilja sa mjerama koje će protiv njega biti poduzete
- Policijski službenici obavještavaju dežurnu službu Policijske stanice, koja o navedenom obavještava nadležni centar za socijalni rad
- Po potrebi u saradnji sa centrom za socijalni rad organizirati smještaj žrtve nasilja u sigurnu kuću i u tom slučaju štititi tajnost podataka odnosno informaciju o adresi smještaja žrtve nasilja
- Sačinjava izvještaj o počinjenom krivičnom djelu i dostavlja kantonalnom tužilaštvu
- Sačinjava zahtjev za izricanje zaštitnih mjera, te u roku 12 sati podnosi prijedlog zaštitnih mjera koje dostavlja nadležnom općinskom sudu

- Policijska uprava dužna je svaku osobu za koju postoje osnove sumnje da je počinila nasilje u porodici, lišiti slobode i zadržati je ako su ispunjeni uslovi iz člana 153. Zakona o krivičnom postupku Federacije Bosne i Hercegovine ("Službene novine Federacije BiH", br. 35/03, 37/03, 56/03, 78/04, 28/05, 55/06, 27/07, 53/07, 9/09, 12/10, 8/13, 59/14 i 74/20)
- Nakon što nadležni općinski sud izrekne zaštitne mjere iz člana 9. tačke 1. 2. 3. i 6. zakona o zaštiti od nasilja u porodici, policijski službenik će provoditi zaštitne mjere na način predviđen propisom o načinu provođenja zaštitnih mjera koje su u nadležnosti policije
- U slučaju saznanja o nepostupanju po izrečenoj zaštitnoj mjeri osobi kojoj je mjera izrečena, policijska uprava je dužna bez odlaganja obavijestiti nadležni sud sa prijedlogom za izricanje novčane kazne u skladu sa članom 45. zakona o zaštiti od nasilja u porodici
- Policijska uprava dužna je voditi evidenciju o prijavljenim slučajevima nasilja u porodici i evidenciju o provođenju izrečenih zaštitnih mjera koje su u nadležnosti policije
- U situaciji kada žrtva nasilja ne želi da prijavi nasilje, a što se nerijetko dešava zbog straha, osjećaja nezaštićenosti, nesigurnosti, emotivne vezanosti, ekonomske ovisnosti, srama i dr. policijski službenici su u obavezi da ohrabre žrtvu nasilja, da je upoznaju sa njenim pravima, da pridobiju njeno povjerenje kako bi pristala na saradnju i procesuiranju počinitelja nasilja
- Ukoliko je nasiljem oštećeno ili nasilju svjedočilo dijete ili maloljetna osoba o tome obavijestiti i u slučaj uključiti nadležni organ starateljstva i stručnjaka/službenika koji je osposobljen za koordinirani timski rad po problematici maloljetničke delinkvencije i nasilja u porodici

OPĆINSKI SUD TEŠANJ

Pravosudne institucije imaju obavezu što učinkovitije iskoristiti sve zakonske mogućnosti i obaveze propisane pravnim propisima, a u svrhu zaštite žrtava nasilja i sankcionisanja počinitelja nasilja.

- U predmetima vezanim za nasilje u porodici postupati hitno
- U skladu sa članom 222. KZFBiH sud izriče novčanu kaznu ili kaznu zatvora počinitelju nasilja u porodici
- U skladu sa Zakonom o zaštiti od nasilja u porodici sud počinitelju nasilja izriče jednu ili više zaštitnih mjera, i to u roku od 12 sati od podnošenja zahtjeva zaštitne mjere 1, 2 i 3, u roku od 7 dana od podnošenja zahtjeva zaštitne mjere 4. i 5, za koje je se po potrebi može osigurati i mišljenje vještaka:
 1. Udaljenje iz stan, kuće ili nekog drugog stambenog prostora i zabrana vraćanja u stan, kuću ili neki drugi stambeni prostor
 2. Zabrana približavanja žrtvi nasilja
 3. Zabrana uznemiravanja i uhođenja osobe izložene nasilju
 4. Obavezan psihosocijalni tretman
 5. Obavezno liječenje od ovisnosti
 6. Privremeno lišenje slobode i zadržavanje
- Prilikom izricanja zaštitne mjere nadležni sud nije ograničen posebnim formalnim dokaznim pravilima radi utvrđivanja činjenica o izvršenju radnji nasilja iz člana 7. Zakona o zaštiti od nasilja u porodici, kao i posljedicama koje su nastupile.

- Tokom vođenja postupka kantonalno tužilaštvo i općinski sud će voditi računa o tome da žrtva nasilja bude obaviještena o njenim pravima
- Sud će na lični zahtjev žrtve nasilja, zakonskog zastupnika ili staratelja obavijestiti o ishodu postupka i dostaviti pravosudno rješenje
- Tokom cjelokupnog procesa, žrtve nasilja mogu dobiti besplatnu pravnu pomoć od strane zavoda, službi ili organizacija koje daju ovu vrstu podrške
- U krivičnom postupku osigurati prihvati privedene optužene osobe, odnosno osumnjičene osobe za počinjeno nasilje u porodici radi određivanja pritvora, ispitati je i odlučiti o načinu vođenja postupka
- Osigurati zaštitu žrtve nasilja u prostorijama institucija pravosuđa, omogućavanjem uzimanja izjave odvojeno od počinitelja nasilja, u skladu sa važećim zakonskim propisima
- Tužilaštvo i Sud su dužni informirati Policijsku upravu/stanicu koja je podnijela izvještaj o počinjenom krivičnom djelu o daljim koracima i odlukama koje su donesene u konkretnom slučaju

CENTAR ZA SOCIJALNI RAD TEŠANJ

U skladu sa zakonskim propisima centar za socijalni rad ima obavezu da radi na prevenciji i zaštiti od nasilja u porodici, da pruža stručnu podršku kroz prepoznavanje nasilja u porodici, prijavljivanje nasilja, adekvatnoj zaštiti žrtava nasilja, smještaja žrtava nasilja u sigurnu kuću, pronalaska drugog rješenja tj. smještaja u drugu porodicu ili ustanovu i dr.

- Svakom prijavljenom slučaju nasilja pristupiti po hitnom postupku, bez odlaganja
- O svakom prijavljenom slučaju (pismenim putem, telefonom, putem medija, neposrednim uvidom na terenu) dužan je o tome odmah i bez odlaganja obavijestiti nadležnu policijsku stanicu
- Stručno lice centra za socijalni rad dužno je na poziv policije odmah odazvati se radi hitnog zbrinjavanja žrtve nasilja u sigurnu kuću ili na drugi način (druga ustanova ili druga porodica)
- Stručno lice centra za socijalni rad odmah po saznanju za slučaj nasilja sačinjava službenu zabilješku i uspostavlja hitan kontakt sa žrtvom nasilja u prostorijama centra za socijalni rad ili odlaskom na teren u pratnji policije
- U razgovoru sa žrtvom nasilja stručno lice centra za socijalni rad prikuplja što više informacija o tome šta se desilo, da li je neko od članova porodice ugrožen, da li imaju malodobnu djecu, da li je nečiji život ili zdravlje u opasnosti, da li je potrebna medicinska intervencija
- Ukoliko se radi o slučaju nasilja gdje je ozbiljno ugrožena sigurnost i zdravlje žrtve nasilja, posebno ako se radi o malodobnoj djeci i/ili osobama sa invaliditetom, potrebno je hitno i neodložno djelovati, obezbijediti hitno medicinsko zbrinjavanje i/ili izmiještanje u sigurno okruženje (druga porodica, prihvatna stanica, sigurna kuća...)
- Stručno lice centra za socijalni rad dužno je napraviti početnu procjenu i uzeti socijalnu anamnezu, te u saradnji sa Stručnim timom i u skladu sa potrebama žrtve nasilja napraviti Plan zaštite za žrtvu nasilja. Dužina trajanja Plana zaštite ovisi od potrebe žrtve nasilja i isti je potrebno povremeno evaluirati i revidirati
- Ukoliko je nasilju izloženo dijete, centar za socijalni rad će u skladu sa Porodičnim zakonom FBiH poduzeti potrebne mjere kako bi dijete bilo zaštićeno s ciljem najboljeg interesa djeteta i to: pojačan nadzor porodice, psihološka podrška, medicinska zaštita, izmjestiti dijete iz

porodice u sigurno okruženje, postaviti mu privremenog staratelja i poduzeti i druge radnje iz oblasti porodično-pravne zaštite koje za cilj imaju najbolji interes djeteta

- Za smještaj žrtve nasilja u sigurnu kuću potreban je pristanak žrtve nasilja i smještaj se radi u saradnji sa policijom i sigurnom kućom sa kojom općina Tešanj ima potpisan sporazum. Dužina tretmana u sigurnoj kući može trajati do šest mjeseci, a u skladu sa potrebom i na zahtjev sigurne kuće a uz odobrenje centra za socijalni rad tretman u sigurnoj kući može trajati i duže u skladu sa procjenom. Produžetak tretmana potreban je u situaciji kada žrtva nasilja nije dovoljno osnažena i oporavljena za izlazak iz sigurne kuće
- Centar za socijalni rad obavezan je voditi evidenciju o izrečenim zaštitnim mjerama, pratiti provođenje zaštitnih mjera i o tome obavještavati sud, predlagati prekid, produženje ili zamjenu izrečene mjere nekom drugom u skladu sa procjenom.
- Centar za socijalni rad u obavezi je da pored rada sa žrtvama nasilja radi i sa počiniteljem nasilja
- Kada su u pitanju malodobna djeca kao žrtve nasilja u porodici upućuju na propuste u vršenju roditeljskog staranja i poduzimaju druge mjere radi zaštite djeteta (nadzor nad roditeljskim staranjem, izuzimanje djeteta iz porodice, smještaj izvan porodice, pokretanje postupka o oduzimanju prava roditeljskog staranja i sl.)
- Radi na prevenciji slučajeva nasilja putem edukacija, različitih aktivnosti sa akcentom na saradnju sa drugim ustanovama, institucijama i NVO

DOM ZDRAVLJA TEŠANJ

Zdravstvene ustanove su dužne pružiti žrtvi nasilja sveukupnu zdravstvenu zaštitu u cilju očuvanja fizičkog i psihičkog zdravlja žrtve kao i sanacije nastalih povreda i trauma.

U slučaju sumnje da je povreda ili zdravstveno stanje posljedica nasilja u porodici, zdravstveni radnik je dužan s posebnom pažnjom razgovarati s osobom za koju se sumnja da je žrtva nasilja kako bi se dobilo što više adekvatnih podataka u vezi s povredom ili nastalim zdravstvenim stanjem kao posljedica nasilja u porodici.

Zdravstveni radnici koji saznaju za učinjeno nasilje u porodici dužni su:

- Bez odlaganja prijaviti nasilje nadležnoj policijskoj stanici prema mjestu prebivališta žrtve nasilja. Za prijavljivanje nasilja u porodici nije potrebna saglasnost pacijenta/žrtve nasilja;
- Pacijenta/žrtvu nasilja tretirati kao prioritet kod pružanja prve ljekarske pomoći, shodno težini povrede u odnosu na medicinske indikacije ostalih pacijenata;
- Utvrditi uzroke i način nastanka povreda, te obaviti potpuni zdravstveni pregled, a u slučaju potrebe uputiti pacijenta/žrtvu nasilja na dalju obradu;
- Evidentirati činjenice i izjave pacijenta/žrtve nasilja ili pratioca u karton pacijenta ili u protokol (ukoliko je prijava u službi hitne medicinske pomoći ili za vrijeme rada dežurnih službi porodične medicine, kada nije dostupan karton pacijenta), sa obavezom upisivanjem datuma i obavezom naknadnog upisivanja i u karton pacijenta/žrtve nasilja;
- Ukoliko postoje fizičke promjene na tijelu pacijenta/žrtve nasilja, evidentirati ih i opisati u karton pacijenta ili protokolu, sa obavezom naknadnog upisivanja i u karton pacijenta/žrtve nasilja;

- Nakon evidencije u kartonu/protokolu pacijenta, pročitati pacijentu/žrtvi nasilja napisano i zamoliti pacijenta/žrtvu nasilja da te navode potvrdi svojim potpisom;
- Voditi jedinstvenu evidenciju pacijenata/žrtve nasilja u porodici;
- Razgovarati sa žrtvom nasilja o mogućnostima rješavanja problema i savjetovati je;
- Čuvati kao profesionalnu tajnu sve što saznaju o zdravstvenom stanju pacijenta/žrtve nasilja;
- Na traženje nadležnih organa (pravosuđa, policije, centra za socijalni rad) dostaviti dokumentaciju koja je od značaja za rješavanje i dokazivanje krivičnog djela;
- Ukoliko je žrtva nasilja osoba sa duševnim smetnjama, po potrebi je uputiti na liječenje, odnosno prisilno hospitalizirati i o tome obavjestiti nadležnu policijsku upravu i centar za socijalni rad;
- U slučajevima gdje je nasilje počinila osoba sa težim ili teškim duševnim smetnjama, te ukoliko nakon obaveznog upućivanja u zdravstvenu ustanovu ili prisilne hospitalizacije zdravstvena ustanova procijeni da liječenje neće dati rezultate, te da postoji rizik od ponovnog počinjenja nasilja, na prijedlog zdravstvene ustanove realizirati smještaj u ustanovu odgovarajućeg tipa;
- Zavodi za liječenje bolesti ovisnosti, Centri za mentalno zdravlje i/ili Terapijske zajednice/komune, kao i Stacionarne zdravstvene ustanove provode zaštitnu mjeru liječenja od ovisnosti počinitelaca nasilja u porodici;
- Zdravstvene ustanove primarne zdravstvene zaštite – Centri za mentalno zdravlje u zajednici ili specijalističko-konsultativne psihijatrijske službe pri zdravstvenim ustanovama, kao i bolnice provode zaštitnu mjeru obaveznog psihosocijalnog tretmana počinioca nasilja u porodici.

OBRAZOVNE USTANOVE

Obrazovno-odgojne ustanove su od posebnog društvenog značaja u procesu odgoja i obrazovanja djece i mladih. Prosvjetni radnici mogu prvi prepoznati simptome nasilja kod djece i nad djecom te pravovremeno djelovati prema policiji i centrima za socijalni rad i imaju zakonsku obavezu da svaku sumnju na nasilje prijave.

Na području Općine Tešanj egzistiraju tri srednje i devet osnovnih škola koje su organizovane u aktiv direktora i isti će predstavljati obrazovne institucije.

Na nivou Općine Tešanj potpisan je Protokol o postupanju u slučaju nasilja nad djecom na području Općine Tešanj u junu 2019.godine kojim su definisane smjernice za postupanje u slučaju fizičkog nasilja, emocionalnog (psihološkog nasilja), spolne zloupotrebe i zanemarivanja i/ili neodgovornog ponašanja roditelja/staratelja kao i obaveze odgojno-obrazovne ustanove u slučaju:

- Nasilja koje se desilo i koje je prepoznato u odgojno obrazovnim ustanovama
- Nasilja koje se desilo van odgojno obrazovne ustanove (prepoznato u školi)
- Nasilja od strane zaposlenika odgojno-obrazovne ustanove

Učitelji, nastavnici i stručni saradnici dužni su poduzeti mjere zaštite prava djeteta/učenika te o svakom kršenju tih prava, posebno o oblicima fizičkog ili emocionalnog nasilja, spolne zloupotrebe, zanemarivanja ili neodgovornog ponašanja odmah obavjestiti nadležne institucije.

Ukoliko je dijete povrijeđeno u mjeri koja zahtijeva ljekarski pregled ili intervenciju odmah pozvati policiju i službu hitne medicinske pomoći ili na najbrži mogući način, koji ne šteti zdravlju djeteta, otpratiti ili osigurati pratnju djeteta od strane stručne osobe (dvije osobe, poštujući spol djeteta) u zdravstvenu ustanovu te sačekati preporuku o daljem postupanju, obavijestiti direktora škole koji će obavijestiti roditelje/staratelje.

U slučaju kada se sumnja da je jedan od roditelja ugrozio dijete, pored primarne zaštite zdravlja djeteta, potrebno je obavijestiti Centar za socijalni rad te prema njihovim uputama dalje postupati.

U slučaju sumnje da je nad djetetom počinjeno neko od djela nasilja potrebno je obavijestiti policiju.

O prijavi nasilja i aktivnostima, razgovorima, izjavama i svojim opažanjima direktor škole i pedagog će izraditi službenu zabilješku koju će dostaviti na zahtjev drugih institucija.

SIGURNA KUĆA

Žrtve nasilja koje su u akutnoj krizi, koje nemaju podršku njihove socijalne mreže, kada je njihov život i život njihove malodobne djece u opasnosti, kada trebaju izmještanje na sigurno mjesto kako zbog sigurnosti tako i zbog sveobuhvatnog tretmana mogu biti smještene na tretman u sigurnu kuću.

U Federaciji BiH sigurne kuće djeluju u okviru nevladinih organizacija i to „Fondacija lokalne demokratije“ – Sarajevo, Udruženje građana „Vive Žene“ – Tuzla, Udruženje „Žene sa Une“ – Bihać, Udruženje građana „Medica“ – Zenica i Udruženje „Žena BiH“ – Mostar.

Osnovni cilj sigurne kuće je fizička zaštita i sigurnost žrtava nasilja, ali i niz drugih usluga koje će im pomoći u njihovoj rehabilitaciji i resocijalizaciji, što će ih u konačnici osnažiti da se odupru torturi, te počnu donositi odluke koje će im pomoći u realizaciji budućeg kvalitetnijeg života.

Smještaj u sigurnu kuću se vrši po preporuci nadležnog centra za socijalni rad, policijske stanice, na zahtjev neke druge institucije ili na lični zahtjev žrtve. Sve usluge koje nude sigurne kuće su besplatne za žrtve nasilja.

Zakon o zaštiti od nasilja u porodici predviđa trajanje tretmana žrtava u sigurnim kućama do šest mjeseci. Međutim, u praksi je nekada potreban duži tretman o čemu odlučuje stručni tim sigurne kuće i stručni tim nadležnog centra za socijalni rad uvažavajući najbolji interes žrtava nasilja.

U okviru tretmana u sigurnoj kući žrtvama nasilja se pored sigurnog mjesta i zaštite u akutnoj krizi pružaju i različiti oblici tretmana i to:

- Psihoterapijski tretman (individualni, grupni);
- Radno-okupaciona terapija, edukativne isupportivne radionice;
- Socijalno savjetovanje i podrška (individualno, grupno, kontakti sa drugim institucijama, kontakti sa članovima porodice);
- Pravna pomoć (pisanje tužbi, različitih zahtjeva, pravno savjetovanje, neke sigurne kuće imaju mogućnost zastupanja na sudu);
- Medicinska pomoć (hitne medicinske intervencije, redovni kontrolni pregledi, medikamentozna terapija- u saradnji sa zdravstvenim ustanovama);
- Pedagoški tretman, podrška u učenju djeci žrtava nasilja u sigurnoj kući;
- Psihoterapijski tretman djece žrtava nasilja u sigurnoj kući;
- Kontakt i saradnja sa vladinim institucijama i nevladinim organizacijama;
- Kontakt i saradnja sa članovima porodice i šire socijalne mreže;
- Provodi različite programe podrške i rada sa počiniocima nasilja (individualni tretman, partnerski i/ili porodični tretman, grupe samopomoći)
- Ekonomsko osnaživanje kroz programe prekvalifikacije, doedukacije, pomoć pri zapošljavanju i dr., kao i mogućnost saradnje sa Zavodom za zapošljavanje Federacije BiH koji provodi program zapošljavanja, samozapošljavanja i prekvalifikacije žrtava nasilja u porodici;

SOS TELEFON 1265

- Stručna lica - operateri SOS telefona 1265 dužni su pružiti podršku žrtvama nasilja putem SOS telefona kao i informacije o njihovim pravima i mogućnostima zaštite od nasilja
- Informacije o pravima žrtava nasilja operateri SOS telefona pružaju i osobama/svjedocima nasilja koji prijavljuju nasilje kojem svjedoče u svom okruženju
- Svi pozivi na SOS telefon su besplatni
- SOS telefon je dostupan 24 sata dnevno, sedam dana u sedmici, radnim danima, vikendom i praznikom
- SOS operateri su dužni obavijestiti nadležnu policijsku stanicu i organ starateljstva u situaciji kada od osobe koja nasilje prijavi dobiju sve neophodne informacije i kada procjene da je potrebna hitna intervencija
- SOS operateri vode evidenciju prijave svih slučajeva nasilja putem sos telefona na jedinstvenom obrascu i podatke unose u sistem elektronskih evidencija na federalnom nivou

PROGRAMI EKONOMSKOG OSNAŽIVANJA ŽRTAVA NASILJA

Vlada Federacije BiH posredstvom Federalnog zavoda za zapošljavanje i u saradnji s kantonalnim službama za zapošljavanje provodi programe aktivne politike zapošljavanja, koje su usmjerene na obuku, stručno zapošljavanje i usavršavanje, dokvalifikaciju i prekvalifikaciju, pripremu nezaposlenih za tržište rada i stvaranje jednakih mogućnosti za sve u pristupu tržištu rada. Podrška je pružena ciljnim grupama nezaposlenih osoba koje su strateškim dokumentima utvrđene kao teže zapošljive, a posebno mladim osobama i ženama. Jedna od kategorija koja je prepoznata kao teže zapošljiva i kojoj je u okviru posebnih programa i projekata Vlade potrebna pomoć pri zapošljavanju je i kategorija žena žrtava nasilja u porodici.

Provedeni programi i do sada provedene mjere u cilju zapošljavanja žena žrtava nasilja u porodici uglavnom su kratkoročne prirode, neodržive i nedovoljno efikasne, jer dovode samo do privremenih poboljšanja ekonomskih uslova, s obzirom na to da se zaposlene osobe u kratkom periodu vraćaju na evidenciju nezaposlenih. Neophodan je sistematski pristup dugoročnom rješavanju problema nezaposlenosti žena žrtava nasilja, koji će uključiti analizu potreba tržišta rada, izradu planova poslovanja i kreiranje programa projekata dokvalifikacije i/ili prekvalifikacije u skladu sa savremenim potrebama tržišta rada.

Programe ekonomskog osnaživanja, edukacija, prekvalifikacija i sl. provode i nevladine organizacije u čijem djelokrugu je i ova oblast.

Kako bi program ekonomskog osnaživanja i podrške bio dugoročan i obuhvatio veći broj žrtava nasilja neophodna je kontinuirana saradnja svih relevantnih institucija, ustanova, nevladinih organizacija. Posebno organa starateljstva, sigurne kuće i zavoda za zapošljavanje koji provode određene programe podrške.

MEDIJI

Na području Općine Tešanj djeluju dvije TV lokalne kuće i tri radio emitera.

Za potpisnika protokola u ovoj fazi odabrali smo Smart TV a ostale emitere uključit ćemo po potrebi i u zavisnosti od realizacije aktivnosti sprječavanja nasilja u porodici.

Problem nasilja u porodici kao ozbiljan društveni problem zahtjeva kontinuiran rad na promjeni svijesti šire javnosti, kontinuiranim edukacijama kako stručnih lica i predstavnika subjekata zaštite, ustanova i nevladinih organizacija, tako i građana. S tim u vezi posebno je značajno na lokalnom nivou koristiti sve medije (lokalnu televiziju, radio, web portale) i njihov medijski prostor s ciljem informiranja građana o problemu nasilju, educiranja i senzibiliziranja te promjene svijesti o problemu nasilja. Važno je medijski prostor koristiti tokom cijele godine kontinuirano, a ne samo tokom obilježavanja značajnih datuma kao što je 16. dana aktivizma ili u situacijama kada se dogodi neki težak slučaj nasilja o kojem svi mediji izvještavaju, nerijetko na senzacionalistički način.

S tim u vezi značajno je sljedeće:

- Nadležne ustanove ostvaruju saradnju sa medijskim kućama s ciljem adekvatnog informisanja i preventivnog djelovanja.
- Organizirati tematske informativne i edukativne radio/tv emisije na temu prevencije i zaštite od nasilja

U okviru svog djelovanja mediji su dužni da se pridržavaju sljedećih smjernica:

- Izbjegavati pisanje detalja, priča klikova, čitanosti i gledanosti radi; mediji mogu pomoći u kreiranju društva koje ne odobrava nasilje.
- Prikaz statistike kako bi se ukazalo na širu sliku i učestalost nasilja nad ženama; brojkama se vrši pritisak na nadležne institucije; upozoravanje na rupe u sistemu i manjkave legislative.
- Više izvještavati o sudskim praksama i pratiti sudske postupke.
- Kada se kao razlog nasilja navodi "bračna svađa" ili se piše o "tragičnom kraju jedne ljubavi", zapravo se govori da se uopće ne radi o nasilju. U slučajevima silovanja ne koristiti riječi "seks", "obljubio", i sl., jer te riječi impliciraju pristanak.
- Koncentrisati se na ponašanje počinioca, ne na ponašanje žrtve. "On je silovao, udario, ubio". "Ona ima pravo odijevati se kako želi, piti alkohol, družiti se s kim želi".
- Nasilnike ne nazivati čudovištima i zvijerima jer time se pogoduje mitu kako nasilje čine neki drugi, neki izvan naše zajednice. Nasilnici nisu drugi, često su i vrlo cijenjeni članovi zajednice koja odobrava i prešućuje nasilje.

Javno mišljenje je znatno oblikovano kulturom silovanja – izjave i stavove poznanika, porodice i komšija počinioca, kao i proizvoljno odabrana mišljenja važno je kritički prikazati – dobro je navode prpratiti objašnjenjem zašto su problematični i što potiču.

MULTIDISCIPLINARNI TIM OPĆINE TEŠANJ

- Općinski multidisciplinarni tim priprema izvještaje o stanju u oblasti nasilja u porodici u općini Tešanj i o tome izvještava općinsko vijeće i općinskog načelnika
- Općinski multidisciplinarni tim čine predstavnici nadležnih općinskih organa u čijoj nadležnosti je pravosuđe, policija, socijalna zaštita, obrazovanje, zdravstvena zaštita kao i predstavnici medija, službi zapošljavanja, nevladinih organizacija i drugi eksperti


- Općinski multidisciplinarni tim održava periodične sastanke na kojima se raspravlja o pitanjima nasilja u porodici i predlaže modalitete rješenja u konkretnim slučajevima, ali također radi i na preventivnim programima (edukacije, kampanje, saradnja sa medijima...)
- Općinski multidisciplinarni tim ostvaruje saradnju sa drugim nivoima vlasti, priprema informacije i inicijative vezane za pitanja nasilja u porodici i ostvaruje saradnju sa stručnjacima koji po pitanju nasilja u porodici rade na terenu.

Sastavni dio protokola čini i lista predstavnika nadležnih institucija imenovanih u multidisciplinarni tim općine Tešanj, ova lista se kontinuirano ažurira ukoliko dođe do toga da neki član promijeni radno mjesto i sl. kada je ustanova ili nevladina organizacija u obavezi da obavijesti o promjeni i delegira drugog predstavnika/icu.

Od imenovanih članova multidisciplinarnog tima potrebno je u Rješenju imenovati i koordinadora tima.

POTPISNICI PROTOKOLA O POSTUPANJU


Općina Tešanj



Suad Huskić, načelnik
Broj: 03-45-2-206-7/22



Centar za socijalni rad Tešanj



Sabahudin Omerbašić, direktor
Broj: 07-31-1-268/22




JU Dom zdravlja Tešanj



Fejzić dr. Mersiha spec. pedijatar, direktorica
Broj: 1898/22




Općinski sud Tešanj



Zdravko Popović, predsjednik suda
Broj: 039-0-24-22-000119




Polijska stanica Tešanj



Jusuf Katica, komandir
Broj: 08-02-111-02-1-566/22



UG Medica Zenica



Sabiha Husić, direktorica
Broj: 01-0370/2022




SMART-predstavnik medija



Sedžad Ibrahimkadić, direktor
Broj: 02-22/22



Za obrazovanje-predstavnik aktiva direktora



Fahra Crnkić, predsjednica
Broj:

ČLANOVI OPĆINSKOG MULTIDISCIPLINARNOG TIMA

Ustanova/NVO	Ime i prezime	Funkcija	Kontakt
Općina Tešanj	Almira Prnjavorac		
	Hasan Plančić		
Polijska stanica Tešanj	Azem Ćeman,		
	Amir Srkalović		
Centar za socijalni rad Tešanj	Dijana Mešić		
	Amir Prnjavorac		
Općinski sud Tešanj	Željko Mandić		
Dom zdravlja Tešanj	Adina Ahmetović		
	Mersiha Bajraktarević		
Predstavnica srednjih škola	Nađa Krdžalić		
Predstavnica osnovnih škola	Selma Turalić		

PROPISANI OBRASCI

OBRAZAC 1					
I – PODACI O IZREČENIM ZAŠTITNIM MJERAMA					
Broj predmeta nadležnog organa starateljstva:			Datum prijema rješenja:		
Naziv i sjedište suda:			Broj i datum rješenja:		
Datum kada je izrečena zaštitna mjera postala pravosnažna:					
Način provođenja zaštitne mjere		grupno*	individualno*	Mjesto provođenja zaštitne mjere	
Radnja/e nasilja iz člana 7. Zakona o zaštiti od nasilja u porodici*					
a) svaka primjena fizičke sile na fizički ili psihički integritet člana porodice;					
b) svako postupanje jednog člana porodice koje može prouzrokovati ili izazvati opasnost da će prouzrokovati fizičku ili psihičku bol ili patnju;					
c) prouzrokovanje straha ili osobne ugroženosti ili povrede dostojanstva člana porodice ucjenom ili drugom prinudom;					
d) fizički napad člana porodice na drugog člana porodice, bez obzira da li je nastupila fizička povreda ili nije;					
e) verbalni napad, vrijeđanje, psovanje, nazivanje pogrdnim imenima, te drugi načini grubog uznemiravanja člana porodice od drugog člana porodice;					
f) seksualno uznemiravanje;					
g) uhođenje i svi drugi slični oblici uznemiravanja drugog člana porodice;					
h) oštećenje ili uništenje zajedničke imovine ili imovine u posjedu;					
i) upotreba fizičkog nasilja ili prouzrokovanje straha u cilju oduzimanja prava na ekonomsku nezavisnost zabranom rada ili držanjem člana porodice u odnosu zavisnosti ili podređenosti;					
j) upotreba fizičkog i psihičkog nasilja prema djeci i zanemarivanje u njihovom odgoju;					
k) fizičko i psihičko nasilje prema starim, iznemoglim osobama i zanemarivanje u njihovom njegovanju i liječenju;					
l) nasilna izolacija ili ograničenje slobode kretanja člana porodice;					
m) propuštanje dužne pažnje i nepružanje pomoći i zaštite članu porodice i pored obaveze prema zakonu					
Vrsta i trajanje zaštitne mjere*					
Vrsta zaštitne mjere				Trajanje zaštitne mjere	
1) Udaljenje iz stana, kuće ili nekog drugog stambenog prostora i zabrana vraćanja u stan, kuću ili neki drugi stambeni prostor					
2) Zabrana približavanja žrtvi nasilja					
3) Zabrana uznemiravanja i uhođenja osobe izložene nasilju					
4) Obavezan psihosocijalni tretman					
5) Obavezno liječenje od ovisnosti					
6) Privremeno lišenje slobode i zadržavanje					
Dinamika izvještavanja prema sudu (za period provođenja zaštitne mjere)					
Izveštaj organa nadležnog za izvršenje izrečene mjere					
Naziv organa			Dinamika izvještavanja za period provođenja zaštitne mjere		
• PU/PS					
• CMZ					
• Zavod za liječenje od ovisnosti					
Podaci o toku praćenja izvršenja zaštitne mjere					
mjera izrečena prvi put*					
prekid mjere (datum)					
prijedlog produženja izrečene mjere (datum i ko predlaže)					
trajanje produženja mjere		ranija mjera (naziv)			
predložena zamjena mjere drugim mjerom (datum i ko predlaže)		na prijedlog nadležnog organa starateljstva*		odluka suda*	
nova mjera					
kršenje mjere (datum i način)					

* staviti X za odgovarajuću odnosno odgovarajuće stavke

II - PODACI O OSOBAMA KOJE SU ŠTIĆENE ZAŠTITNIM MJERAMA												
Osoba šticeana zaštitnom mjerom												
Ime		Prezime			Rođeno prezime							
Nadimak		Starost			Spol		m	ž				
Jedinstveni matični broj građana (JMBG)												
Prezime i ime oca i majke, djevojačko prezime majke												
Datum, mjesto, općina i država rođenja												
Državljanstvo												
Boravište		Ulica		Broj		Grad		Država				
Prebivalište		Ulica		Broj		Grad		Država				
Socio-ekonomski status osobe koja se štiti izrečenom zaštitnom mjerom												
Bračni status		oženjen/udata		neoženjen/neudata		razveden/a		udovac/ica		vanbračna zajednica		
Radni status		zaposlen/a		nezaposlen/nezaposlena		penzioner/ka		Zanimanje				
Vrsta prihoda		korisnik socijalne pomoći			živi od svog rada			drugi izvori prihoda				
Obrazovanje		dr sci	mr sci	II ciklus Bolonja		I ciklus Bolonja		VSS	VSS			
		SSS	OŠ	NSS		student		učenik	bez škole			
Broj ostalih članova porodice**												
Ostali podaci (npr. uvidom u ljekarsku dokumentaciju...)												
ODNOS OSOBE KOJOJ JE IZREČENA ZAŠTITNA MJERA I ŽRTVE KOJA SE ŠTITI IZREČENOM ZAŠTITNOM MJEROM (ODNOS NASILNIK-ŽRTVA)												
Bračni partner		Vanbračni partner		Bivši parter		Otac-sin		Otac-kćer				
Majka-sin		Majka-kćer		Kćer-otac		Kćer-majka		Sin-otac				
Sin-majka		Unuk-dedo		Unuk-nana		Unuka-dedo		Unuka-nana				
Oćuh-pastorak/ka		Pastorak/ka-oćuh		Maćeha-pastorak/ka		Pastorak/ka-maćeha		Neko drugi				

* staviti X za odgovarajuću odnosno odgovarajuće stavke

** Definicija porodice prema Zakonu o zaštiti od nasilja u porodici

III - PODACI O NASILNOJ OSOBI KOJOJ JE IZREČENA ZAŠTITNA MJERA													
Osoba kojoj je izrečena zaštitna mjera													
Ime		Prezime				Rođeno prezime							
Nadimak		Starost				Spol		m	ž				
Jedinstveni matični broj građana (JMBG)													
Prezime i ime oca i majke, djevojačko prezime majke													
Datum, mjesto, općina i država rođenja													
Državljanstvo													
Boravište		Ulica		Broj		Grad		Država					
Prebivalište		Ulica		Broj		Grad		Država					
Socio-ekonomski status osobe kojoj je izrečena zaštitna mjera													
Bračni status		oženjen/udata		neoženjen/neudata		razveden/a		udovac/ica		vanbračna zajednica			
Radni status		zaposlen/a		nezaposlen/nezaposlena		penzioner/ka		Zanimanje					
Vrsta prihoda		korisnik socijalne pomoći		živi od svog rada		drugi izvori prihoda							
Obrazovanje		dr sci	mr sci	II ciklus Bolonja		I ciklus Bolonja		VSS	VŠS				
		SSS	OŠ	NSS		student		učenik	bez škole				
Ostali podaci (npr. uvidom u ljekarsku dokumentaciju...)													

* staviti X za odgovarajuću odnosno odgovarajuće stavke

I - PODACI O IZREČENIM ZAŠTITNIM MJERAMA

Izvršajni period (od d/m/g do d/m/g)	od	do
Nazivi sjedište nadležnog organa starateljstva		
Broj rješenja o izrečenim zaštitnim mjerama		
Broj osoba koje su štice zaštitnom mjerom		
Broj nasilnih osoba kojima su izrečene zaštitne mjere		
Broj obavještenja nadležnom sudu o izvršenju zaštitne mjere		
Broj predloženih prokida mjere		
Broj predloženih produženja mjere		
Broj predloženih zamjena mjere drugom mjerom		
Broj dostavljenih izvještaja nadležnom sudu		
Radnje nasilja iz člana 7. Zakona o zaštiti od nasilja u porodici		
a) svaka primjena fizičke sile na fizički ili psihički integritet člana porodice		
b) svako postupanje jednog člana porodice koje može prouzrokovati ili izazvati opasnost da će prouzrokovati fizičku ili psihičku bol ili patnju		
c) prouzrokovanje straha ili osobne ugroženosti ili povrede dostojanstva člana porodice ucjenom ili drugom primudom		
d) fizički napad člana porodice na drugog člana porodice, bez obzira da li je nastupila fizička povreda ili nije.		
e) verbalni napad, vrijeđanje, psovanje, nazivanje pogrdnim imenima, te drugi načini grubog uznemiravanja člana porodice od drugog člana porodice		
f) seksualno uznemiravanje		
g) uhodjenje i svi drugi slični oblici uznemiravanja drugog člana porodice		
h) oštećenje ili uništenje zajedničke imovine ili imovine u posjedu		
i) upotreba fizičkog nasilja ili prouzrokovanje straha u cilju oduzimanja prava na ekonomsku nezavisnost zabranom rada ili držanjem člana porodice u odnosu zavisnosti ili podređenosti		
j) upotreba fizičkog i psihičkog nasilja prema djeci i zanemarivanje u njihovom odgoju		
k) fizičko i psihičko nasilje prema starim, iznemoglim osobama i zanemarivanje u njihovom njegovanju i liječenju		
l) nasilna izolacija ili ograničenje slobode kretanja člana porodice		
m) propuštanje dužne pažnje i nepružanje pomoći i zaštite članu porodice i pored obaveze prema zakonu		

III - PODACI O NASILNIM OSOBAMA KOJIMA SU IZREČENE ZAŠTITNE MIJERE

Broj zaštitnih mjera prema vrsti, spolu i starosti osobe kojoj je izrečena zaštitna mjera

Vrsta zaštitne mjere	18-21		22-25		26-29		30-33		34-37		38-41		42-45		46-49		50-53		54-57		58-61		62+		UKUPNO		
	m	ž	m	ž	m	ž	m	ž	m	ž	m	ž	m	ž	m	ž	m	ž	m	ž	m	ž	m	ž	m	ž	
Ukupno																											
Udaljena u stoku, koje je nekeg drugog, životinjskog, ptičara i zabran vježbanja u stoku, koju ih nekad stoji stambeni prostor																											
Zabrana posjećivanja stambenog																											
Zabrana upozorenja i ulaska u određeno mjesto																											
Odvazani putnici koji trebaju																											
Osuvjetni i/ili ne odavati																											
Provizorno liječenje i zadržavanje																											
UKUPNO																											

Socio-ekonomski status osoba kojima je izrečena zaštitna mjera

Bračni status	oženjen/udata	neoženjen/neudata		razveden/a	udovac/ica	vanbračna zajednica	
		nezaposlen/nezaposlena	zaposlen/a			penzioner/ka	Zanimanje
Radni status							
Vrsta prihoda	korisnik socijalne pomoći		živi od svog rada				
Obrazovanje	dr sci	mr sci	I ciklus Bologna		VSS		
SSS	OŠ	NSS	student		učenik		bez škole



Broj protokola:

Datum:

PREZIME (IME OCA) IME	
Datum i god rođenja	

NALAZ DOKTORA MEDICINE

Pacijent se javlja zbog:

STATUS

Napomena: Kontrola sutra kod porodičnog/obiteljskog doktora, pp i ranije u SHMP

Doktor medicine

JZU DOM ZDRAVLJA
„IZUDIN MULABEĆIROVIĆ-IZO“ HITNA
MEDICINSKA POMOĆ TEŠANJ

Broj:

Datum:

POLICIJSKOJ STANICI TEŠANJ

Predmet: PRIJAVA O OZLJEDI

Prezime (Ime oca) Ime	
Godina rođenja	
Zanimanje	
Mjesto stanovanja:	
Ulica:	
broj:	
OPIS OZLJEDE	
Dijagnoza:	
Stepen ozljede:	
Kada i gdje se čin dogodio:	
Kakvim oružjem (oruđem):	
Svojom ili tuđom krivicom:	
Ime, boravište i stan počinitelja:	
Može li se ozlijeđeni saslušati:	

Prijavljuje ljekar

NAČELNIK SLUŽBE

Dostavlja Vam se gornja prijava na znanje i eventualni postupak.

JU CENTAR ZA SOCIJALNI RAD
TEŠANJ

Ime, ime oca i prezime podnosioca prijave

Datum rođenja

--	--	--	--	--	--	--	--	--	--

Broj lične karte

Mjesto izdavanja lične karte

Adresa prebivališta i broj telefona

PRIJAVA NASILJA U PORODICI

Dana _____ podnosim prijavu nasilja u porodici

_____.

(mjesto, adresa)

U prijavi navodim da sam/je žrtva nasilja _____, a

(ime i prezime)

počinalac _____.

(ime i prezime)

Radnje nasilja su sljedeće:

(ukratko opisati u čemu se sastojala radnja nasilja)

Stranka je saglasna i upoznata da će se njeni lični podaci koristiti samo u svrhu rješavanja podnesene prijave.

Potpis podnosioca prijave:

JU CENTAR ZA SOCIJALNI RAD TEŠANJ EVIDENCIJA U SLUČAJU PRIJAVE NASILJA U
PORODICI

Redni broj	Ime i prezime	Adresa	Kontakt telefon	Datum prijave	Vrsta nasilja
1					
2					
3					
4					
5					
6					
7					
8					
9					
10					
11					
12					
13					
14					
15					
16					
17					
18					
19					
20					
21					
22					
23					
24					
25					
26					
27					
28					
29					
30					
31					
32					
33					
34					
35					
36					
37					
38					

JEDINSTVENI OBRAZAC ZA PRIJAVU NASILJA U PORODICI

1. Prijava nasilja

Datum i vrijeme prijave: _____

Način prijave (Telefonom na broj u PS Tešanj, lično, na SOS telefon i sl.)

Prijava podnesena od strane:

	Lica izloženog nasilju
	Člana porodice izloženog nasilju
	Trećih lica (susjed, srodnik, prijatelj)
	Socijalnog radnika/ce
	Zdravstvenog radnika/ce
	Odgojne ustanove
	Medicinske ustanove
	Obrazovne ustanove
	Nevladine organizacije
	Druge ustanove ili organa

2. Podaci o licu/ima izloženom/ima nasilju:

Ime, ime oca i prezime			
Spol			
Mjesto i datum rođenja			
JMBG			
Adresa prebivališta i telefon			
Školska sprema			

Zanimanje/ radno mjesto			
Srodstvo sa nasilnim licem			

3. Podaci o nasilnom licu

Ime, ime oca i prezime	
Spol	
Mjesto i datum rođenja	
JMBG	
Adresa prebivališta i telefon	
Školska sprema	
Zanimanje/ radno mjesto	
Ostali važni podaci (medicinska dokumentacija i slično)	

4. Podaci o članovima porodiceli u drugim licima koji su indirektno izloženi nasilju:

Ime, ime oca i prezime	Spol	Mjesto i datum rođenja	Srodstvo-veza sa nasilnim licem

5. Vrsta nasilja

Fizičko nasilje (npr. Udaranje, šamaranje, guranje, nanošenje tjelesnih povreda itd.)

Psihičko nasilje (npr. Verbalni napad, vrijeđanje, psovanje, nazivanje pogrđnim imenima, ucjenjivanje, prijetnje, uhođenje idr.)

Ekonomsko nasilje (npr. Uskraćivanje novčanih sredstava, oštećenje ili uništenje zajedničke imovine itd.)

Seksualno nasilje i uznemiravanje

Zanemarivanje djeteta

(podvući odgovarajuće)

6. Početak nasilja (opisati):

7. Učestalost nasilja (opisati):

8. Da li žrtva nasilja i nasilnik žive u istom domaćinstvu: (zaokružiti tačan odgovor)

DA

NE

9. Dostavljeni dokumenti o žrtvi nasilja: (Upisati podatke o dokumentaciji koja se dostavlja a npr. Medicinska dokumentacija, Nalaz ljekara iz Službe hitnemedicinske pomoći ili porodičnog ljekara, Nalaz ljekara iz Centra za mentalno zdravlje i slično)

10. Poduzete hitne intervencije ustanova/organizacija po prijavi nasilja (npr. Smještaj u sigurnu kuću isl.- opisati)

Mjesto: _____

Obrazac popunio: _____

(ime, prezime, čin)